




HARVARD COLLEGE LIBRARY  
FROM THE  
HARVARD - YENCHING  
INSTITUTE  
JUL 11 1929

CHL 3140. 23~~32~~.83  
32





重脩德州志序

哈佛大學哈佛燕京  
圖書館珍藏

志者史之餘也其體裁與史異  
而其鑑別得失與史略同考古  
則以經史爲據紀載時事則綱  
舉目張洪纖畢備總歸於信而  
可傳而後已承乏德州查志  
乘不脩已閱百十五載矣其殆



守茲土者視爲無關切要置之  
不論與此固容或有之而不盡  
然也德自明初以迄於今賢士  
大夫接踵而起往往摠其所見  
著述成書金志以程正夫志草  
爲根柢其明徵也然所學不同  
所見各異故亦往往有各執一

闕六年丁未王君來攝州事甫  
下車卽以脩志爲已任延余同  
年張君夢髯與其弟孝廉彈荆  
爲贊襄厥事張君昴仲皆深於  
古者余又爲之欣然於是士大  
夫紛紛各呈其所著述於王君  
如前呈余時余知其各執一說



參差不一勢若道旁築室又怒  
然慮志之仍迄於無成也王君  
深知其故而於紛紛來呈者悉  
納之不置可否與二張君權衡  
而裁定之閱數月志竟告成矣  
嘻異哉何前此成之甚難而今  
成之若是易也王君以一帙質  
之余余取而讀之不支不蔓詞  
簡而旨明事事核其體要念念  
繫乎生民考核則甚詳辨論則  
甚醒評斷則甚確以張君之筆  
達王君之意洵於志乘中獨開  
生面非有定識定力弗及此余  
乃暢然曰今日德州志果成矣



余嘉王君之不撓於羣議而快  
余之究竟目睹其告成也弁數  
言以志喜

賜進士出身中憲大夫山東督糧道

山右吉州葛正華序

序

事之成與不成殆有數焉不可  
強耶余待罪督漕八年於茲矣  
每見州之志乘歷百餘年弗脩  
余蹙然懼其久而湮也乾隆四  
十六年辛丑州牧萬君始從事  
於此余欣然曰志成有日矣一



時士大夫紛紛出其所述呈  
之於余余得縱覽焉其中得失  
未之深考也旣而萬君設館始  
事余以州人吳西嶺所著書二  
種付志館以備採選余弗知秉  
筆者果採選否未幾萬君以事  
去官志迄於無成余爲之憮然

見柄鑿不入互相駁詰者道旣  
知從前屢脩而屢不成大率以  
意見齟齬而止其將因噎廢餐  
亦遂置之不論與夫其地其人  
其事必生長於斯者能周知其  
故志之不能不借証於是邦之  
士大夫明矣然于各出所見折



哀而衡定之則守土吏之權也  
於是周詢士庶旁求藏書搜羅  
逸稿州人士以其所著述獻考  
古各各不同如沿革河渠等篇  
或以史漢爲主或以水經注爲  
主案水經爲桑欽所撰酈道元  
始言之班氏藝文志並未載水  
經名目可見水經卽果係桑欽  
所撰亦屬撰而未成之書道元  
取而踵成之者道元北魏人去  
漢已遠往往以漢之故道指爲  
禹之故道獨不想水性靡常一  
時有一時之故道夫旣曰故道  
則水不由此中行勢必變爲桑



田年近則猶有河形年遠則形  
跡全無豈有千百年後之桑田  
猶得確指爲千百年前某水故  
道耶其至北魏時猶得確指爲  
故道者是漢故道非禹故道較  
然矣不若史漢以當代之人紀  
當代之事近而足據故竟本史

漢爲根柢此考古之歸於信而  
可傳也至疆域田賦建置政事  
宦蹟人物孝子節婦事事求其  
實在俾後之覽者一目瞭然此  
時事之歸於信而可傳也士大  
夫幸生

聖世躬被教化庸言是謹庸德是行



道之志也事或有涉於隱怪雜  
 乎異端者其事本不可信而顧  
 傳之於書竊恐其惑世誣民恣  
 而為邪說之宗也雖舊志所載  
 必刪之道既守德以脩志為必  
 當行之事惟知據道所權衡以  
 為是者纂述之而已既成而或

議其後其是與非當世必有能  
 辨之者時

乾隆五十三年歲次戊申八月  
 奉政大夫直隸州知州知德州  
 事江蘇吳縣王道亨序



序曰蓋與...  
 本志大矣...  
 詳載正十三...  
 按公...  
 其...

德州志

序者表作書之本旨也凡例者本旨既明而推  
 詳其條目也例載篇首俾展卷者一望而知州  
 志非自今日始也一志有一志之本旨唐志原  
 序原跋安志仍唐序金志原序俱附載之以志  
 根源州人程先貞志略序鄒士廉金志正偽辨  
 亦附載之以備考訂而以紀德州志本末終之  
 庶幾瞭若指掌矣



德志原序

德志原序

德志原序

德志原序

德志原序

德志原序

德志原序

德志原序

明唐文華

夫志誌也乃古史之遺意蓋凡郡邑必有志所以載  
 往微來脩覽觀而垂久遠俾境以內山川人物風化  
 瞭在目中原係豈淺鮮哉惜世之為志者摘藻眩竒  
 枝葉耳矣其於根本篤實之地歉然也如志何予政  
 餘嘗覽德志見其浮舛混淆漫無統紀且板式慢藏  
 致人更竄良可慚也茲德庠李掌教學博識融議清  
 志一與之商確重創奮然為之採以輿論決以真聞  
 蒼月稿就獻予乃知井井不紊簡直弗靡真足以永



其傳者謹命梓刊之在丙子孟秋初旬日也是爲序

德州志跋

明李鏞

萬歷甲戌懷慶唐公文華以經濟長材刺史德州甫  
期月政通人和百廢具舉以德州舊志浮舛混淆漫  
無統紀命予重輯予訪諸故老稽其舊聞據事約理  
不敢漫爲之說志草雖就慚汚汗簡恐後之病今尤  
甚於今之病昔也爰就正於大中丞小東馬公大方  
伯靜泉程公大參新所張公皆藝苑宗匠史館名家  
各攄見聞嚴加斧斲始纂成志筆削之功三公懋厥  
勞焉呈諸刺史以定準裁刺史曰是志也草創於李







天庾其地亦綦重矣州之志書爲明萬歷四年唐侯  
文華所作其於典故已多漏軼迄今又九十餘  
年其間賢才之蔚起節烈之挺生科名之踵武  
以至詞人之所留連使客之所題詠並泯而無  
徵况自

興朝定鼎凡兵屯地畝力役之制一切更弦不爲記  
載委之胥吏將日就剝缺此有民社者之責也  
州人工部員外程君正夫家學青箱文壇彩筆  
博聞往牒邇逢國體林居二十六年不交世務

所輯之書名曰德州詩搜德州文搜所著之詩  
名曰德州先賢詩凡若干卷而又以郡乘缺遺  
莫備職方之採蒐羅故實爲志草十篇會玉峰  
顧寧人先生至此相與邈論古昔考正疑誤書  
垂成而正夫奄然以歿正夫爲人外和內介非  
公不至余待罪三載自愧塵俗未獲請事於愨  
遺之日而猶幸是書之存足爲此邦文獻適  
天子有纂脩方志之命乃屬仲啟趙君霖瞻星來二  
李君補而刻之昔相如旣卒始有茂陵之求孫



盛云亡乃出枋頭之史豈若今之楮墨宛然儀  
刑如接邦人誦立言之不朽聘客歎周禮之猶  
在者乎余得藉手以追俗吏之譏實爲多幸而  
尤冀後之博物君子紹聞廣業以永此邦之傳  
則一方治術民風必賴之矣

德州志畧序

程先貞

德州舊志冗不可讀先貞忝在後學竊取遺言作志  
略拾諸斷碑殘碣剩簡餘編汲汲如恐不及未暇浣  
飭厥詞也業旣卒作而歎曰舊志稱德州曰貴禮尙  
義長老有勤儉之範子弟多絃誦之風又曰人尙忠  
勇家業農桑風俗淳厚夫數十百年之前吾不能知  
自吾耳目所聞見與斯語亦略相近人有敗行則措  
躬無地不復爲鄉里齒三代直道猶在人心今則儼  
然凌駕於士大夫之間卽使明知其非乃姑相與容



之也卑幼到尊長家皆自處客位上坐先行甚至五服猶子亦復如此禮之不存情於何有又如吏胥輿臺之類字謂縉紳絕無上下之體又如奴婢無常主飢則來附飽卽颺去視其主如路人矣凡此數者雖若細故關係最大不知起自何時至今爲厲也所謂貴禮尙義風俗淳厚者安在哉今士大夫當何如思所以返之且令公是公非不昧於所指節文率由舊章名分悉稟成約然後徐商其餘耶至於田土由闢而荒戶口由衆而寡賦役由省而繁財費由約而侈

物產由富而貧吏治由良而奸卽以此推之天下恐不獨一德爲然信陽何仲默先生言之矣顧主持政教者之責非吾輩之所敢知也則予也不佞亦猶不賢者識其小云







學二篇偽金志圖與志不符增浮梁義學二篇查文昌閣上增一魁樓城外董子祠顏魯公祠移城內合祀於學宮之東以及脩浮梁建義學皆金公後任州侯佟公准年事也吾家原本無此余因查現行金志州境摠圖前有序云南城上建奎星樓曾經申請移脩儒學文昌閣因循未果是十二年時儒學傍尙未有奎樓也又查志云董子祠萬歷中知州馬公明瑞改建於衛河東濟顏魯公祠崇禎初州人程紹改逆璫魏忠賢祠建於此是十二年時董顏二祠尙在城

外也夫六年以後之建置預載於六年以前之書非僞而何浮梁記云康熙己未仲冬望浮梁成謂非十八年事哉且文昌祠建於景泰鄉賢祠建於成化啟聖祠建於嘉靖祀文昌以閣其舊祠祀名宦移於萬歷志云啟聖名宦鄉賢三祠俱在儒學內圖繪學內三祠北曰啟聖南曰名宦而中爲空室謂非始匿其名有心者之所爲乎先王父諱瑾字公璵增廣生先君子諱啟裕字振遠廩貢生考職州同卒年五十一歲余悲余先人手澤永不還也因丐親友填諱錄而



存之

紀德州志本末

張慶源

州邑之志徃徃闕數十年一修懼其久而湮也豈有如德州志歷百餘年而不修者哉其間非無良有司暨州人士好學深思者謀所以纂輯之而屢舉而迄於無成或意見牴牾而止或不克歲事而罷噫事之成與不成殆有數焉存乎其間耶歲丁未州刺史王公應亭有修志之舉商之于余又前五年萬公修之而未成今幸以襄事



于此則安敢以固陋不文爲辭爰考州之  
有城自明洪武始志一修於萬歷四年知  
州唐文華採洪公釗草畧語是爲唐志再  
修於天啟五年知州安受善是爲安志此  
二志大抵不免闕畧

國朝康熙十二年知州金公祖彭復修志以州人程  
正夫先生志草十篇爲主而崑山顧寧人先生  
適至因而參訂之是爲金志前明志誤以陵縣  
城爲德州程正夫辨正之前明志誤以舊德州

爲今德州顧寧人辨正之自後有州人葛雪龕  
先生稿其最要者辨漳河南北流足徵九河不  
在德州有濟南別駕常熟許虹橋先生稿其最  
要者小胡城辨及治運三法葛許全稿余未之  
見也余所及見者州人田山蘊先生長河志籍  
考一編州人宋蒙泉先生德州新志稿七冊州  
人吳八千先生桑梓圖考一卷河漑紀畧一卷  
又與州人鄒君聖裔協纂擬稿十二卷太倉孫  
筠亭先生德州志稿八冊夫一百十五年之事



豈不賴此數先生遺稿為之維繫於弗墜也哉  
 然而人各有所見不能盡人之面如已面也是  
 貴折衷之以歸於一是者大抵志之為書其要  
 旨在於考古證今不留一毫疑似而已考古莫患  
 於執滯不化以致附會證今莫患於散佚失考  
 以致傳疑王公既以意授之余余於田宋吳三  
 先生之考古參互而考正之於孫筠亭先生之  
 證今詳覈而損益之皆述也折衷之歸於一是  
 也物有本末事有終始是德州志之本末終始

德州志

凡例

一

鑿輅時巡

恩澤汪濊自古未有德州為入東境首站恭紀列於

卷首

一

宸翰天章超越千古昭一代之文治恭紀列於卷首

一蠲免緩征賑濟加卹開科廣額皆



殊恩也載入紀事卷內則褻矣恭紀列於卷首

一卷首之外列十二編次以序

一沿革不清則非其地之人之事入焉非所以

傳信也故先之以沿革

一州邑分野勢難縷晰敬遵歷象考成易星野

為躔度天位乎上地位乎下故附沿革

一有土斯有事兵戎水旱大工大役治河築城

興學建廟編戶定賦皆事之大者也何代何

年何名何地不可不一詳核故次之以紀

事

一德州地皆平壤無山而有水自唐迄明河之

經流在此自元至今糧儲之輓運由此水利

最為要務故次之以河渠

一州治為九省通衢與直隸接壤亦間有犬牙

相錯處邊境不可不清故次之以疆域

一疆域既定建置為先何時興何時廢何時創

何時脩何時移何時改當備書之故次之以

建置



一土著之民星羅某布統之以鄉別之以里皆在疆域中也州有州戶口衛有衛戶口有此

於此地置官武故次之以戶口賦役

一設兵所以衛民也治河亦以衛民漕糧驛站相因而及皆要政也故次之以政事

一長於政事者膏澤下於民民弗忘也且可爲後世法故次之以宦蹟而職官附焉

一教化興於上風俗成於下賢才迭起俊傑挺生一鄉之望也故次之以人物孝行而貢舉

### 附焉

一脩身齊家化行俗立夫婦人女子咸知四維其  
一種立志持身百折不回與忠臣孝子同故  
次之以貞節自爲一卷

一古蹟祠廟冢墓園亭物產皆有關於政治風俗  
爲考古証今在之所當備採也故次之以叢記  
一隨時隨地隨事有志者非以文紀之則託諸  
詩篇皆於人情風土有關會故以藝文終焉  
一自禹貢職方而後凡脩史者俱有地志唐有



元和郡國志宋有元豐九域志皆合九州以爲志而各州各縣脩志皆未有也明洪武三年脩大明一統志州縣仍無專志永樂十六年詔天下郡縣衛所皆脩志邑之有志實始於此萬歷四年唐志凡例云志以舊志爲本天順間重脩一統志採用德州志語則天順以前已有德州志可知傳說景泰五年知州洪釗有德州志畧已無可考今存者只有萬歷間志至於天啟五年知州安受善又加續增其餘仍用唐板至康熙十二年金志始全行更改

一康熙十二年脩志時董子祠在大西門外廢河上醇儒書院顏魯公祠在小西門北月河上俱在城外並未合祠金志注載甚明學宮東只有文昌閣並無魁樓金志注載亦甚明迨知州佟淮年始建董顏合祠於城內文昌閣上又增魁樓此康熙十八年事也而金志儒學圖載董顏祠魁樓豈有六年前之志預



載六年後之事耶其中明有抽換情弊後增  
浮梁義學二記俱終君任內事則現存金志  
之非原本顯然矣

一康熙十二年脩志用程稿未用葛稿雪龕收  
回原稿於職官選舉記事年年續增至康熙  
三十八年雪龕歿乃已乾隆十三年宋蒙泉  
撰志稿搜得葛稿宗而主之乾隆二十二年  
抄送志館時許虹橋主稿與宋意見不合志  
竟不成州侯宋將許稿葛宋合稿俱存庫後

竟為庫書盜賣無存惜哉

一唐志不存久矣惟楚椿吳氏尙存一部乾隆  
二十二年交志館二十三年收回四十六年  
並未送館故孫稿無一字及唐志

一唐志德州禹貢兖州域並無冀字戰國屬齊  
並無趙字按古史地志確鑿本無錯誤惟金  
志註為冀兖二州之域又云屬齊兼屬趙今

改正

一一統志云德州古鬲縣地又查水經及魏書



漢高魏高俱在今德州界內唐志金志俱未  
深考今爲釐正

一德州在隋唐時爲長河縣唐志金志俱未清  
查今依長河志籍考核正

一元時陵州在河西舊學宮亦在西洪武十年

知州間九成將學宮自西移東仍在河西灣內後截河築

城始出永樂九年知州何原將州治移入衛

城唐志金志俱載清楚舊永慶寺亦在西永  
樂十年僧古峯移入衛城張宗伯記可據或

謂州治學宮俱在今州西牆下畧移而東將

謂元時已有今城乎總之洪武三十年始截

河築城三十年前州治學宮永慶寺以及昭

惠廟高真觀俱在河西而河東一無所有也

蓋元時定鼎北京以河西爲內故建置俱在

河西明時定鼎南京以河東爲內故建置俱

移河東

一金志兵衛論云先置衛而後設州卽今州署

猶居衛址可考此二語雖確但德州衛者所



以衛德州也非先有德州二字何以有德州  
衛三字洪武之德州先州後衛永樂之德州  
先衛後州元時河西河東皆陵州地也大半  
皆荒洪武元年立守禦千戶所所占之軍地  
皆闕荒甚屬有限七年移德州治此河西一  
帶皆州地也而荒多熟少自洪武九年立正  
衛北自朱家庄南至陽塢長不足二十里東  
西寬四五里爲在城遵義東廂南廂四里皆  
民間完糧熟地屬州其週圍荒廠爲蘇官營

白草窪四里屯八里屯南第三屯第五第七  
第九屯戴官屯四女寺娘娘廟趙魯屯西小  
屯屠家屯大屯王官店皮婆屯留智廟衛軍  
開墾環遶州境是先有州而後有衛也洪武  
三十年築衛城正衛俱在城之西北西北有  
衛東南無衛故增置左衛以護城之東南永  
樂九年移州治於衛城內是先有衛而後有  
州也御河東立左衛軍屯其餘立民屯故州  
衛犬牙相制詳於明初之事則州衛之先後



無疑矣

一臺德璋廟學碑云夫子之宮舊在城東南隅地形窪下水潦時沃蓋元初學宮卽在河西灣內知州秦政移於州治西南明知州闡九成又移於河灣內故大明一統志云德州學自州治西移於州治東舊州治確在河西有州治卽名爲在城非果有三里七里之城郭也景泰間顧孟喬修學記云學宮舊在州治西洪武間移於州治之東南據洪武十年前

之州治言也唐志注載甚明金志改東南二字爲北字是據永樂九年旣移之州治言也三十四年之前預以三十四年後之州治爲據豈理之可通者乎仍依唐志改正

一漢有漯陰縣水經注遂以爲漯出武陽越千乘殊不知武陽卽今朝城也卽漢武廝二渠之所也由堂邑聊城清平高唐西境皆漯故道至於高唐東境由禹城臨邑商河濱州入利津海口不特漢武帝時無此河卽昭宣時



摠無此河也元帝永光五年河決靈鳴犢直  
直決而東始多橫流許商因其勢而疏之遂  
由千乘入利津海口而河濟同入海矣河濟  
同入海河濟之間並無隙地與禹貢白文濟  
河惟兗州大相刺謬故新河加以舊名漢人  
已多有此弊不可不辨

一河道由今溯明由明溯元金宋唐直至三代  
悉依夏書禹貢史記河渠志漢書溝洫志隋  
唐地志宋元金明河渠志考正不專據水經

也

一兵制應首駐防次城守次運軍舊志附滿兵  
於末卷非是今改正之

一職官選舉在康熙十二年以前舊志所無者  
概不補載

一各宦鄉賢祠祀典攸關內有事業德行可以  
不朽者皆當脩書之以爲矜式故於宦蹟人  
物傳加意修飾或有舊志無傳無可考証者  
亦不敢臆爲之說故自兩漢迄今凡經督撫



題名准行者皆考據舊志及祠內木主將姓名詳悉開列諸祠條下以昭國典

一節婦貞女一生苦志若稍遺軼秉筆者之罪也故一切已旌未旌舊志所載各志稿所記及有墓誌節畧呈入志館者皆大書之特詳

一駐防滿兵百數十年內節孝科貢俱查明載入

一駐防官弁兵丁及糧餉器械衙署地土

未曾查載今俱查開條錄

一衛旣附州不能另作衛志自當事事詳載於州志中舊志率以不可考一語畧之今皆考詢明確條細載明

一德州衛所屯分隸各州縣者一有混淆歷久更難釐定今悉查實編明

一德衛賦役金志云無可考孫志稿只載地丁摠數一筆而於按地徵糧分等定則置之不論是啟衛書朦官舞文之漸也今悉依吳稿



衛地名目移衛核對載明

一駐防軍政舊志所載畧而不詳今悉從城守

尉檔子房開送清摺載入

一德營軍政舊志亦未詳今悉從參府衙門開

送清摺載入

德州志目錄

卷首

時巡恭紀

御製恭紀 其中字跡有未曾校真者謹空白待填

皇恩恭紀

行宮恭紀 圖附

卷一

沿革 表 辨誤晰疑 考

躔度



卷二

紀事

卷三

河渠 運河全圖附

卷四

疆域 疆界 里保 衛屯 州境全圖附  
道路墩臺舖舍市鎮附

卷五

建置 城郭州城圖附 倉庫  
學校學宮圖附 壇廟  
衙署各署圖附 橋梁  
驛傳 關樞 坊表

卷六

州戶口賦役 州學

衛戶口賦役

卷七

漕政

軍政

河政 州管運河圖 衛管運河圖二附

驛政

卷八



宦蹟

職官

卷九

人物

貢舉

卷十

貞節

卷十一

叢記 古蹟 湖廟 冢墓 園亭 物產

卷十二

藝文 州人所著書目附 詩



德州志卷首

恭紀

時巡盛典

康熙二十三年削平三孽


聖祖仁皇帝東巡

躬祀

岱宗祭告

闕里經由德州

詔經過地方次年錢糧盡行蠲免





康熙二十八年

聖祖仁皇帝南巡

閱視河工高家堰一帶堤岸經由德州

蠲免次年錢糧

康熙三十八年

聖祖仁皇帝奉

仁憲皇太后南巡由水路經德州至江南清河

親閱高家堰歸仁堤

康熙四十二年河工告成

聖祖仁皇帝南巡經由德州至江南

閱視河工

康熙四十四年

聖祖仁皇帝南巡

閱視河工經由德州

詔罪人減等

康熙四十八年

聖祖仁皇帝南巡由水路經由德州至江南

親閱溜淮套別開河道



乾隆十三年

皇上奉

皇太后東巡秩於

岱宗釋奠

闕里經由德州

詔免次年錢糧十分之三

州入學廣額三名

分別賞賚駐防兵年七十八十以上者

乾隆十六年

皇上奉

皇太后南巡恭逢

皇太后六旬萬壽使兆庶得申祝嘏之忱並

閱視海塘經由德州

詔免錢糧十分之三借欠穀石分別緩免

州衛入學廣額五名

舉行恩貢

分別賞賚兵民年七十八十以上者

乾隆二十一年平定伊犁



皇上東巡祭告

闕里經由德州

詔免錢糧十分之三

分別賞賚兵民年七十八十以上者

乾隆二十二年

皇上奉

皇太后南巡經由德州

詔免錢糧十分之三

分別賞賚兵民年七十八十以上者

乾隆二十七年恭逢

皇太后七旬萬壽

皇上奉

安輿南巡使兆庶得申祝嘏之忱並

閱視河工海塘經由德州

詔豁免二十七年以前濟南各屬因災緩貸各項銀

十三萬有奇

詔免錢糧十分之三

分別賞賚兵民年七十八十以上者



乾隆三十年八月十八日奉

皇上奉

皇太后南巡並

閱視河工海塘經由德州

詔免錢糧十分之三

分別賞賚兵民年七十八十以上者

乾隆三十六年恭逢

皇太后八旬萬壽

皇上奉

安輿東巡祝  
釐泰岱並謁

闕里經由德州

詔免濟南等六府屬新舊借欠麥本銀

詔免山東節年因災借欠常平穀

詔免錢糧十分之三

分別賞賚兵民年七十八十以上者

乾隆四十一年

皇上平定金川奉



皇太后南巡詣

岱祝

釐告成

闕里經由德州

詔免錢糧十分之三

分別賞賚兵民年七十八十以上者

乾隆四十五年

皇上南巡

閱視河堤海防經由德州

詔免逋賦

詔免錢糧十分之三

分別賞賚兵民年七十八十以上者

乾隆四十九年

皇上南巡

閱視河工海塘並謁

闕里經由德州

詔免錢糧十分之三

分別賞賚兵民年七十八十以上者







清蹕臨齊境春風廣陌開  
兆民看踴躍百爾效追陪  
重道

尼山近繩踪

堯德恢喜觀羣志戴切憶去年災求莫驚心矣思艱蒿  
目哉底須勤供奉不爲豫遊來

恭依

皇祖德州卽事詩韻

二月東巡狩青齊駐節初敢云繩

祖武不爲奠天書

用宋真宗事

民情驗尊親武脩脩嚴肅蒙業後人安

浩澤如春煥

過運河

海運便而險河運艱而平  
舍便寧就艱計畫真老成  
疏導想前規轉輸達帝京  
我來渡浮橋洶湧聞波聲  
岸旁柳已綠渚畔禽爭鳴  
一派江鄉景謀目恰稱情  
巨艘列河干截漕器長征  
山東運艘集此以截留漕米爲賑濟本省之用故無  
事北上云酌茲損益道念彼熒獨氓

旋蹕過德州



幸魯過德州柳梢初放青事畢茲言旋綠雲紅雨并  
却來未及月春色紛縱橫麥隴縱未萎黍田猶待耕  
連朝風勢作每與雲相爭哀此齊魯民何獨連歉丁  
祀秩雖成禮厯懷爲災氓一口增百憂往返愧此程  
八山東境 乾隆十六年  
不爭十里渡平川民俗全分齊與燕稍幸秋糧積困  
簾更逢春雪被原田初晴日上籠輕靄薄冷天低冪  
曉烟運水北流津口近那堪回首憶前年

過德州

運水浮橋蝓螭懸重邱城郭富人烟觀民喜見千家

聚問歲知逢五熟連

戊辰春東巡時山左諸郡縣洊饑之後戶鮮蓋藏流離之狀憫

惻予懷於是竭立賑恤更賴

天恩雨暘時若其

秋遂有収已巳庚午春秋皆稔是以問閭景象大覺  
改觀爲之額慶益  
稟持盈之懼云

多慙休頌我書禾有慶益祈

天十分心始三分慰次第評量驛路前

老黃河

導河積石至龍門華陰底柱逮孟津播爲九河入于  
海神禹舊跡堪指論後世因循漸南徙誰能障使歸  
其源又聞刷黃利深導義取其合毋取分一河猶時



德州志 卷首 三  
虞淤壅析而爲九流難奔居今志古不盡同卓哉史  
遷垂名言

旋蹕渡運河卽事

濃露暄曦初夏天虹橋迤邐緩鳴鞭運河重渡逾三

月衛水遙源溯百泉

百泉卽衛源去歲曾至其地

東國漫留西去馬南風仍送北來船青郊麥秀搖晴  
浪所幸占秋兩省連

命免直隸山東所過州縣今年田賦十分之三

并成口號

乾隆二十一年

計里脩除雖受直常供還免十之三長官縱自清操  
稟需索應防吏役貪

入山東界

北民瞻過輦東吏迓來驄彼自分疆界吾寧有異同  
欲知人疾苦漫詡歲和豐尙恐妨耕作興鋤候已融

過運河

橫陳流運水直接渡浮橋粟轉千艘永川歸百道遙  
曉烟低柳綠春浪蘸桃夭東望州城近埤垣倚麗譙

再依



皇祖德州卽事詩韻

東魯奠芹日西傾歸馬初告成遵

聖軌考績閱輿書

瞻就萬姓歡扈衛千軍肅省歲占農桑敷政協寒燠

繁露臺

天人三策對賢良已見春秋大義彰那更高臺演繁

露轉思董子失之詳

馬頰河

聞之治河方利合不利分合則挾沙行分則其沙地

沙行流乃安沙屯汎溢頰其言如誠當智乃過禹

九河非分流何以免漲淪而今豈非合徒見淤河身

我來過大陸馬頰與鬲津今古勢旣異空歎其蹟存

更張豈易言而况見未真利不十不變莫如流俗循

旋蹕三月十一日卽事

又是暮春旬一日恰於齊地德州南八週駒電忽今

度廿載齋莊作昔談此去徘徊空復爾將以回鑾往東陵孝

賢皇后寢陵亦所必至邇來憂樂大都諧寥天古月依然照逝

水流光正好參



德州行宮示山東大小諸吏 乾隆二十二年

未敢深宮自晏居省方展義每厘予按程移帳安猶

便擇向開軒費則虛一宿遷他賞何有萬民得所樂

寧如由來不說惟成事此後無需慎戒諸去秋巡撫  
愛必達於

德州建行宮以備南巡入東境首程宿頓將訖  
工入奏因成事不說姑仍之然朕所不取也

駐蹕德州行宮作

行春南去三千里問俗東來第一程但得清塵儘表

敬豈期作室儼觀成星橋銀樹婪燈燦火棗金芝應

節榮入夜肩輿不呵禁為由久矣此民情

燕九燈詞四首

青郊燈夕樂同民絞縛烟花德水濱故事可知傳燕

九地行仙本是齊人

烟中翔鳳鳴為管空裏飛魚色作金一曲昇平萬民

慶百年休息此林林

琉璃界道光明上法轉如來號寶燈鶴啖蛭膏輝玉

樹肖翹蠕動上金繩

翠扁明球殊霍靡綾裝珠綴互飄蕭姮娥底事飛輪

早婪尾春藥是此膏



皇太后觀燈火卽景有述

燕值邱仙節燈陳鬲氏墟火城張大野絲閣奉

安輿孔雀千屏展金蓮萬朶舒鑿車朝絳闕龍馬負丹

書勝賞真無斃圍觀共樂胥兆民齊祝

壽壽指泰山如

再依本長齊人

皇祖德州卽事詩韻

去歲告功至紅旗又報初元戎墮詭計未讀六韜書

關里茲弗臨遣

祭辦香肅翠罕指江南早喜東風喚

題梅花畫扇

鐵幹橫斜影珠胎綻兩三東風披拂處花信遞江南

過運河

一水宛分趙與齊浮橋練接長隄去纔弱柳含烟

嫩回看來牟擺浪萋較雨量晴以度耳慰豐愁儉亦

紛紛僕人惟識皇州近揮策誰能惜馬蹄

御製匾額二面



念民依

海岱觀風

御製對聯一副

德水滌洄涵化澤

康衢詠蕩聽歡謠

御製梅花詩畫扇一柄

勒石敬貯恩行宮

墨搨佛像一張

過德州運河卽事

乾隆二十七年

卧波浮筏亘通津  
夾岸肩摩接駕人  
按轡徐行還撤

蓋鋪衢隨覲不嫌塵  
益祈田穀資其食  
所喜民情向

我親去歲此曾遭  
異漲迴思猶爲恫  
關頰

駐蹕德州示山東大小諸吏疊舊作韻

東省斯惟首頓居  
狩巡五載又臨予  
詎欣駐處閑庭

廓尙念災餘比戶  
虛申命官箴宜惻  
爾設云民感益

慙如十行頗有恩  
綸沛要在推行善  
體諸

德州行宮疊舊作韻

京畿東省茲門戶  
冰舸陸車滙路程  
幾宇行宮原早

就一時賡韻又重  
成且遲柳色迎堤  
發已喜梅香對



坐榮遊豫大經曰休助載咨方伯體予情  
題梅花畫扇疊前韻

幾圈還幾點前三與後三不因啓駕北那復識枝南

四依

皇祖德州卽事詩韻

五度德州路民風不改初有成尼父語吾愧魯論書  
去歲盛秋霖協時乖曰肅竭力濟昏墊千村幸飽燠

正月二十日德州觀燈火作

燕九過應燈火收何當繼照賞陵州疆連日翼陳竄

聽幼挈老扶來不謀西漆南油齊屬目緣竿走索訝

纏頭吾民樂卽吾心樂紀載從他故事留

老黃河圖

不藉浮梁策騎過土人說是老黃河居今故道圖還

復封建井田差幾多前驅後衛

命莊親王率衆護衛

皇太后由水路還都是日分程減從取道徐州閱河詩

以紀事

有序

江鄉掖中



輦三春燕喜方申淮甸迴鑣四月清和乍屆惟念舍舟  
遵陸行循置頓於齊燕以言

晏起早眠莫若溯洄於津潞冀奉  
萱幃而增豫宜從率眾藪蒲

蘭舫以安旋親藩夙事前驅禁衛分番按部幾程德水  
不飲淡旬視

膳恰逢半月仙園仲夏承

顏伊邇敬侍

登臚之候爰摛弭楫之篇

慈壽今登七袞餘奉遊江浙

意怡舒禮成展義還京國志切觀河邁沛徐春序無妨

今逮夏舟行自較逸於車親藩扈衛遵川路半月言

違謁起居

至德州日水陸程適相  
值當於行宮問

至德州詰

皇太后宮問

安卽事敬述

川陸郵程會德水起居今日見

慈雲御舟敬悉



適眠食半月縈懷一旦欣

御製對聯一幅

衆香馥郁凝華蓋

多寶莊嚴護梵文

御製墨寫山水一副

乙酉新春月過德州浮橋有作

乾隆三十年

漕河連艇作輿梁鞠脰迎鑾夾道旁何處黎民非赤子那分彼界與斯疆全無菜色誠予喜自有鴻恩副衆望不數里遙蒞行館樸齋書史足徜徉

駐蹕行宮再疊舊作韻

三年東國宛重涖幾宇行宮占首程益卉含胎方欲綻庭柯圍拱已將成展芸靜覺蓮壺永摘藻長看花炬榮惟是黔黎所厯念豈因今昔漫牽情

五依

皇祖德州卽事詩韻

轉輿指東陸紀序正春初省方將設教有舉必應書

百年

祖制昭七萃軍容肅不遊體以休曰豫凜恒燠



題梅花畫扇再疊前韻

昔畫梅梢一今題詩句三見奇應在少香雪待東南

恭奉

皇太后觀烟火卽事成什

早傳度節屆燈收大吏偏稱備已周且是未過正月

內更兼來觀萬民稠春郊合奉

思齊賞夕景何殊樂國遊星箭騰空數無萬增

齡都作海山籌

降旨免山東積欠詩以誌事

輸多欠少詎能無積少為多遂屢逋江浙已胥霑我

澤青齊忍聽向共隅率因災歉成陳負槩予優蠲俾

眾娛昨崔應階來迎蹕詢知濟南各屬乾隆二十七

旨概予豁免俾絜矩要從民所好為民父母意殷吾

御舟至德州仍命親藩恭奉

皇太后由川路迴鑾是日登陸卽事有述

登陸遄臻敕政幾由川

頤養奉

慈幃南巡典禮斯全備旬日



晨昏此暫違去轡未瞻柳  
穉茁廻鞭倏拂麥芒菲前朝  
作雨微嫌少大霈希資實粟肥

八山東境 乾隆三十六年

一水溯洄不易船送迎兩地畫疆連  
所欣親愛來老幼畧厭繁華事  
管弦山左輿情五年隔江南衆望  
片時牽省耕展義吾惟切行有絲  
綸沛惠鮮

六依

皇祖德州卽事詩韻

朱雀溯流上青齊入境初行宮駐德  
棣幾暇便觀書

心儀芹帛躬申肅入疆驗民風所幸  
多安煥

駐蹕德州示山東大小吏再疊舊作韻

德水行宮復憇居賦時言志向聽予  
小廉大法勉敦實守潔政勤戒涉虛  
中稔應籌餘一矣偏灾莫忘向隅如  
入疆所重惟民事舉要其他可例諸

德州行宮三疊舊作韻

運河舫命先南上陸路由茲將起程  
駐德州卽由陸路幸泰山詣曲

阜因命移所用舟船溯運河而南預  
艤濟寧廻鑿時則由彼登舟循水程  
徑抵津潞

安輦吉行春日暖樸齋豫養早年成  
窓含靜影庭柯直



德州志 卷首  
座噴清芬益卉榮大小來迎守土吏傳宣次第問民情

命賞給昨歲山東被災四縣籽種牛具銀詩以誌事

齊東昨歲縱偏災豈乏窮民望幸來春借雖然成例與秋償依舊受追催普教賜值資耕作俾得及時闢草萊更或未經聞見者疇咨施澤以斯推

再降旨免濟南等六府屬新舊借欠麥本銀並成是什

慮思一再不妨周尙或遺乎仔細求六府咨詢欠均有歷年久近豁從優寬其逋項何憂債勉爾春耕以待秋夾路青青苗茁好願希麥浪拍歸舟

至德州行館用舊作於德州降旨免各府舊欠

麥本銀詩韻

齊甸魚疆歷以周惠民類與豁追求已欣各歲明禋典更值均霑霈澤優白絮辭條柳迎夏綠苗吐穗麥含秋去時願幸來時副農事王畿念返舟  
降旨免山東各屬節年因灾借欠常平穀及東



平災緩丁賦詩以紀事

入疆施惠重巡方借欠因灾愍益傷倉穀既陳應與  
追丁銀雖少免教償即看愛戴羣情切寧忍飢寒一  
介心谷爾牧民大小吏施行詳妥尙其獲

閱哨馬營減水壩作

曉輕輿遵大堤堤工要處欲勤稽壩開哨馬洩漲  
夏川導鉤盤防勃溪不壅以宣功異北由河而海受  
從西即今出水計數尺疏濼良方望若迷

題梅花畫扇三疊前韻

箴頭展以四韻脚疊斯三盈手香風拂端宜置硯南

德州南門樓曰廣川樓亦曰繁露臺即漢董仲

舒故里東巡經此詩以咏之

百廿三篇著異聞城南因是有臺云天人三策真平

正繁露雖佳屬費文

繁露中如清明竹林祈晴請雨之類豈如三策平正為萬世帝

王之  
法哉

曉發德州即景雜詠

今日行程八十里恐增建置畧從遙

自德州至晏子祠舊行館設以

行五十里計則途間當置兩行館今  
於適中只建一行館所以省費也

記云凡事豫則



立宜是輕輿發詰朝

東方漸見昀昕明倏忽曦輪樹杪橫廻望德州未廿

里果然駒影迅人行

南來越見麥田多芄露芊烟綠穎姿僕從雖嚴禁蹂

躪其如民衆轉難訶巡蹕所至嚴禁僕從踐踏麥禾而迎鑾萬姓趨擁就瞻雖麥苗

在地蹴之弗顧却之弗止也

綠楊紅杏近清明是日爲清明前二日野店芳衢盡裡行塵土

不妨隨踏起最難得者是民情

御製對聯一副

碧窓試舉幌

綠野遍興鋤

駐蹕德州示山東大小吏三疊舊作韻乾隆四

十一年

瞥眼五年此重居茲來尤覺意慙予公氛固未致滋  
蔓實惠惟應戒飾虛大法小廉胥勗若寒衣飢食尚  
肫如民間元氣復乎否將以郵程歷驗諸

七依

皇祖德州卽事詩韻



告功虔謁

聖齊境駐輿初敬仰

奎文在廣吟句屢書

休助曾有諺誰何底須肅遊豫亦取義箕疇戒恒燠

駐德州行宮四疊舊作韻

連朝已自循水路明日應容啟陸程祇為

頤躬衆忱切又聞縮頓數間成如前庭樹枝較長依舊

盆花朵放榮此番東巡原有意民經亂後摠關情

題梅花畫扇四疊前韻

彷彿拈時笑

讀作伊三點成伊出梵典

原點以三老幹非龍

似輸鄭所南

繁露臺

故里千秋疑信猜城樓聳處久稱臺都傳繁露春秋

演誰識竹林與玉杯

旋駐德州行宮作

篷窗夜雨謂應霑漸北誰知澤竟織原是盼膏看麥

祇更兼蒙土惜柢尖往來慶典雖躬戴等度康功那

意恬雲作風隨慣相妬策無搏手懶吟拈



德州志 卷首  
過德州浮橋卽事

乾隆四十五年

造舟早是此爲梁  
遵陸南巡茲倣裝  
北指趙疆猶未  
遠東經齊路乃方  
長已欣去歲登穀  
寶更看當春茁  
麥秧接覲諸臣隨  
扈駕暇應民務問  
之詳

德州行宮卽事有感

疆吏延諮有餘暇  
歷觀題壁祇徬徨  
蹕停德水緣行  
慶舟發津門曾溯  
洄前度歡娛胥幻  
矣此番追憶亦  
徒哉丙申奉

豫事猶近何事南巡此獨來

通賦詩以誌事

明知昨歲普豐收  
豈之前茲逋賦留  
雖已經途例蠲  
免更厘欠款細諮  
諏概寬借廩穀和  
麥並豁窮丁縣  
與州庶使間闡元  
氣復力田耕作冀  
登秋

八依

皇祖德州卽事詩韻

赤縣向平遠青齊  
入境初駐輿纔卓  
午有暇便觀書  
邨繹

虞歌義春溫勝秋  
肅所幸有收餘萬  
民率飽燠



微雪一首

邇日東北風情知應有雪雪弗雪皆可積素厚郊埒  
西南厓河工阻流虞決裂行行入齊疆六花益飄瞥  
宿麥未萌芽亦無慮凍結未能忘遠愁耶以咏近悅  
胥因勤民務君職緣民設

駐蹕德州行宮卽事

去由陸路歸水路發軔維舟總在茲構築行宮亦已  
久休停清蹕此惟時黔黎葵向誠堪喜江浙輿情率  
可知室宇依然景非昔每因把筆引愁思

題梅花畫扇五疊前韻

和墨墨無語筵梅及我三清會香風透興飛江以南  
普陀廣教之廟有作

諭筭無需慶典多仍看佛宇鬱嵯峨輸忱業已成西  
竺廣教因之號普陀不爲欣而增慙惓因過乃有  
吟哦雨花滕六天人喜偏袒寧關梵演那

過德州浮橋

乾隆四十九年

一水燕齊兩界分萬民迎送任紛紜古時國步那堪  
論今日還防寧此云益切惠鮮屢保赤惟與翼視



如雲大河復故運河治前事廻思懼尙殷

駐蹕德州行宮疊庚子詩韻

五歲一巡早一歲入齊自趙首臨茲迎鑾老幼紛如  
昔幸甲風光正及時石火流陰迅堪驗載舟惟水戒  
應知疇咨事罷聊閒坐温室東瞻不忍思

九依

皇祖德州卽事詩韻

齊境徐而入春光嫩以初顧起居注者有事必當言

素壁油

賦

堯 拱讀心欽肅繩

先對時義寰區願安燠



伏惟聖鑒  
奏

德州志卷首

恭紀

皇朝恩典  
凡時巡一切 恩典謹載  
紀下 時巡恭

順治元年

豁除明季加派三餉及派買津糧

免本年租稅三分之一

起用前明原官舉貢生監皆與原品冠服

會順治三年

恩科鄉試  
丙戌科



恩科 順治四年

恩科 會試 丁亥科

順治五年 舉行恩貢 蘇三亥之二

順治十年 諭免六七年地丁民欠

以州失業民抵補坐落景故吳之衛屯地

武德道發給道照

三年

諭免八九兩年地丁民欠

恩科 鄉試 戊戌科

恩科 會試 巳亥科

順治十五年

順治十六年

康熙三年

蠲免順治十五年以前民欠各項銀米及藥材細絹

布疋等項錢糧

康熙四年

詔免本年民間田租



蠲免順治十六七八年各項民欠錢糧

康熙十九年

蠲免十二年以前民欠錢糧

康熙二十六年

豁免十三年以後加增各項雜稅

豁免自用兵以來一應動用錢糧累年未清者

康熙二十九年

蠲免本年地丁錢糧

康熙三十一年

全免一年漕米

借給窮民捐貯穀石

康熙三十二年

舉行恩貢

康熙三十五年

豁免漕項積欠及帶徵未完銀米

康熙三十六年

免徵未完地丁銀米

康熙三十七年



德州志 卷首 三  
緩徵

令大臣保舉賢能司官二員會同地方官賑濟

康熙四十二年

差司員會同地方官賑濟

截留漕米二萬石減價平糶

康熙四十三年

豁免地丁銀米

免徵屢年積欠在民錢糧

康熙四十四年

蠲免山東全省丁銀

康熙四十五年

蠲免四十二年未完民欠

康熙五十二年

蠲免山東全省丁銀

恩科鄉會試 癸巳科

舉行恩貢

康熙五十六年

豁免分年帶徵銀兩



雍正元年

恩科鄉會試 癸卯科

舉行恩貢

州衛入學廣額七名

緩徵康熙五十八年至六十二年民欠錢糧

賑濟三月

雍正三年

緩徵康熙五十八年至雍正元年帶徵錢糧

德州學文生廣額五名

雍正四年

疏濬大清河以工代賑并給老幼殘疾口糧

雍正七年

免山東地丁銀四十萬兩

雍正八年

賑三月

免山東地丁銀四十萬兩

雍正九年

免山東地丁銀四十萬兩



雍正十二年十萬四  
裕免歷年民欠錢糧

乾隆元年四十萬四

恩科鄉試 丙辰科

舉行恩貢 八平

州衛入學廣額七名 萬兩

乾隆二年

恩科會試 丁巳科

乾隆八年

發倉穀賑飢

發帑脩德州城以工代賑

乾隆九年

截漕賑濟山東被災十三州縣衛

乾隆十二年

緩徵新舊錢糧

發給山東鄒平等九十州縣衛被冲民房銀兩 極貧者一

兩五錢次貧者一  
兩再次貧者五錢

截漕賑濟



乾隆十三年

輪免山東全省地丁銀

乾隆十六年

緩徵災民借穀

舉行恩貢

乾隆十七年

恩科鄉會試 壬申科

乾隆二十二年

緩徵新舊錢糧及民借倉穀籽種

急賑一月又分別極次貧民照例加賑

給冲塌房屋銀兩貧乏農民酌借麥本

分別被災分數蠲免錢糧

乾隆二十五年

恩科鄉試 庚辰科

舉行恩貢

乾隆二十六年

恩科會試 辛巳科

分別被災分數蠲免錢糧



乾隆二十七年  
蠲免起存地丁銀兩

分別賑卹被災貧民極貧之戶加賑二月次貧各戶  
加賑一月

乾隆三十一年

輪免山東全省漕糧

賑濟被水貧民銀穀并免起存地丁銀兩

乾隆三十二年

本年地丁錢糧緩至秋後起徵

秋禾被水勘不成災借給貧民麥本以資接濟并緩

徵錢糧倉穀兩項欠常年錢

乾隆三十五年

恩科鄉試 庚寅科

乾隆三十六年

恩科會試 辛卯科

舉行恩貢六年因災由常貢三十五年以前對欠

秋禾被水勘不成災緩徵錢糧及民借穀石

乾隆三十七年



輪免山東全省錢糧

州衛武學廣額五名

豁免三十六年因災出借及三十五年以前積欠社

穀

乾隆四十一年

州衛入學廣額五名

豁免帶徵三十九年漕米

蠲免三十七八兩年民欠常平穀

乾隆四十三年

輪免山東全省錢糧即於本年全行

飭各官捐廉賑卹貧民

乾隆四十四年

恩科鄉試 巳亥科

乾隆四十五年

恩科會試 庚子科

舉行恩貢

豁免被災貧民四十二年借欠常平米穀四十三



借欠常平穀籽種麥穀  
借欠常平米穀四十二年

豁免偏災各戶四十二年借欠常平米穀四十三年

借欠常平穀籽種麥穀四十四年民欠南漕米穀

乾隆四十六年

輪免山東全省漕糧

乾隆四十九年

豁免被災貧民四十四年借欠南漕米穀并放賑

舉行恩貢

乾隆五十年

恩賞窮民兩月白糧借給籽種銀兩飭令各官捐廉

勸導紳衿商人煮粥賑濟

錢糧倉穀緩至明年秋後徵收嗣又分作五十一五

十二兩年帶徵

乾隆五十二年

十奉

上諭前據王公大臣及直省督撫大吏等以乾隆五

十五年朕八旬慶節請舉行萬壽典禮朕以內外


臣工臚歡祝嘏出自積誠是以降旨允行朕臨御




五十餘年壽躋上耄五世一堂篤慶錫光歡騰率  
土宜沛特恩用光鉅典除恩詔條款屆期頒發外  
所有下屆鄉會正科著於乾隆五十三年八月五  
十四年三月豫先舉行五十四年秋舉行恩科鄉  
試五十五年春舉行恩科會試以示朕樂育敷恩  
壽世作人之至意欽此

# 行宮恭紀









德州志卷首

恭紀恩泉

行宮 在德州南門外

謹開

大宮門五間

東外朝房五間

西外朝房五間

東內朝房五間

西內朝房五間



軍機房九間 在西

膳房十一間 在東

值房七間 在東

二宮門三間

東配房五間

西配房五間

便殿五間

東過廳三間

西過廳三間

垂花門一座

寢宮五間

東配房五間

西配房五間

照房五間

東順山房三間

西順山房三間

東華門一座 在東牆

臺道門 在東



閣門一座 在東

天章閣三間 在東

阿哥房五間 在東

御書房五間 在西

四明亭三間

方亭一座 六角亭一座 牡丹台一座

南府五間 俱在西

凡有

水營

水營係隨時恭備者茲不具述

頌

德亭二座 一在河子 一在玉皇閣外



卷首終

訓詁考卷首終

訓詁考

卷首

卷首



